

CENTRALNA BANKA
BOSNE I HERCEGOVINE
Broj: UV-150-01-1- 2234-14/19 ŽB
Sarajevo, 04.09. 2019. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (2) Pravilnika o javnim nabavkama, broj: UV-122-01-1-11/18 RJ od 30. januara 2018. godine, Upravno vijeće Centralne banke Bosne i Hercegovine na 10. sjednici od 27. augusta 2019. godine, donosi

O D L U K U

o izboru najpovoljnijeg ponuđača u postupku javne nabavke usluga iznajmljivanja MS licenci

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga iznajmljivanja MS licenci, dodjeljuje ponuđaču SYS COMPANY d.o.o. Sarajevo.

Član 2.

Ponuda ponuđača iz člana 1. ove odluke, nakon provedene e-aukcije, glasi na iznos od

652.900,00 KM bez uračunatog PDV-a

(slovima: šeststotinapedesetdvijehiljadeidevetstotina konvertibilnih maraka i 00/100)

Član 3.

(1) Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke, zaključiti okvirni sporazum na period od tri godine, za čije se izvršenje zadužuje Odjeljenje za informacijske tehnologije Centralnog ureda Centralne banke.

(2) Plaćanje realizovanih usluga će se vršiti u konvertibilnim markama.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke.

Član 6.

Ova odluka će se objaviti na web stranici Centralne banke www.cbbh.ba, istovremeno s upućivanjem ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke iznajmljivanja MS licenci, putem otvorenog postupka, pokrenut je Odlukom broj: 150-15-4-1298-2/19 SAK od 19. aprila 2019. godine.

U skladu s tim, Centralna banka je 13. juna 2019. godine na portalu Javnih nabavki objavila Obavijest o nabavci broj: 1370-1-2-335/19.

U predviđenom roku za dostavljanje ponuda, blagovremeno su dostavljene tri ponude, sljedećih ponuđača: SYS COMPANY d.o.o. Sarajevo, Lanaco d.o.o. Banja Luka i grupa ponuđača Comtrade System Integration d.o.o. Sarajevo i Comtrade System Integration d.o.o. Beograd, Republika Srbija, čiji je nosilac posla Comtrade System Integration d.o.o. Sarajevo.

Komisija nadležna za provođenje postupka javne nabavke je izvršila pregled i ocjenu pristiglih ponuda i ocijenila da je ponuda grupe ponuđača Comtrade System Integration d.o.o. Sarajevo i Comtrade System Integration d.o.o. Beograd, Republika Srbija, čiji je nosilac posla Comtrade System Integration d.o.o. Sarajevo, neprihvatljiva jer nije numerisana. Tenderskom dokumentacijom je jasno traženo da se stranice ponude označavaju brojem na način da je vidljiv redni broj stranice, te da će ponude, koje nisu pripremljene u skladu sa zahtjevima iz tenderske dokumentacije, biti odbačene kao neprihvatljive.

Komisija je ocijenila da ponude ponuđača SYS COMPANY d.o.o. Sarajevo i Lanaco d.o.o. Banja Luka ispunjavaju sve zahtjeve tražene tenderskom dokumentacijom.

U skladu s odredbama Pravilnika o uslovima i načinu korištenja e-aukcije (Službeni glasnik BiH br. 66/16), zakazano je održavanje e-aukcije, prema postavljenom kriteriju najniže cijene, s prethodno navedenim ponuđačima, za 29. jula 2019. godine u 10.00 sati.

Nakon završetka e-aukcije, komisija je, Zapisnikom o pregledu i ocjeni ponuda, broj: 149-15-4-2018-8/19 i Izvještajem o radu s preporukom, broj: 149-15-4-2018-9/19, oba od 6. augusta 2019. godine, dala preporuku kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća
Centralne banke Bosne i Hercegovine

GUVERNER
dr. Senad Softić



Dostaviti:

- guverneru;
- članovima Upravnog vijeća;
- viceguvernerima;
- Uredu glavnog internog revizora;
- sekretaru Uprave i Upravnog vijeća;
- Odjeljenju za informacione tehnologije;
- Odjeljenju za računovodstvo i finansije;
- Odjeljenju za javne nabavke;
- u spis predmeta;